

陸

子

學

譜

陸子學譜卷之十

陸川麗 嶼校

弟子五

傅主簿子雲

撫州府志本傳

傅子雲字季魯金谿人。成童登象山門。以其少。使先從鄧文範。及登朝。留之槐堂。子雲尋赴太學。遭象山於道。共泛桐江。答問如響。象山精舍成。學者數百人。坐以齒。子雲在末座。間設一席於傍。俾子雲代講。或非之。象山曰。季魯天下英才。毋妄議。子雲學務明善。知本。言行動中規矩。象山嘗執其手曰。

骨相寒薄。道雖明。恐不得行。及出守荆門。使居精舍。曰。是山
繫子。是賴其爲我。率諸友。日切磋之。又謂諸生。吾遠守小郡。
不得與諸君掃清氛翳。幸有季魯在。願相與親近。自是從游
者。日盛。晚奉大對。爲端獻公。卿素加敬仰。期以首選。弗果。子
雲曰。塲屋之得失。窮達不與焉。終身之窮達。賢不肖不與焉。
人以爲名言。主既寧簿。決訟必傳經義。人服其學。所著有易
傳。論語集傳。中庸大學解。孟子指義。雜駁經解。郡守葉公夢
得。嘗師事子雲。以公配享三陸祠。子雲又有文集若干卷。行
於世。

書問著作

先生嘗與傅季魯書云。二十四日發敝廬。晚宿資國。二十五
日觀半山瀑。由新蹊抵方丈。已亭午。山木益稠。蟬聲益清白。

雲高屯。疊嶂畢露。踈雨透。灑清風。膠膠不知其爲夏也。何時
來此共之。適欲國紀點對一事。或未能來。可先遣至。

傅子雲祭先生文。畧云。道塞宇宙。而人至震。不散於物。易知
易行。維天憂民。篤生斯聖。乃徹厥蔽。俾安正性。周衰文弊。孟
沒學絕。功利橫流。道術分裂。所見益鑿。所言益支。易知易行。
誰其覺斯。千七百載。乃有先生。先生之德。潛哲粹英。道審既
久。無所取證。深研力索。俯仰參訂。或啓於家訓。或得於羣籍。
或由省察之深。或資辯白之力。惟至當之。不磨卒會。歸於有
極。始信夫良知良能。降於上帝。可以可。大道實簡易。倘正偽
之不辯。而先後之外施。則已私之是憑。豈天德之在茲。遠紹
孟氏之旨。極陳異說之非。世之學者。標末是求。而吾先生自
源祖流。世論一切如鞭之刑。而吾先生允稽其情。世之於人。

多。察。鮮。容。而。吾。先。生。善。與。人。同。世。之。於。善。迹。似。情。非。而。吾。先。生。情。實。自。持。世。排。異。端。惟。名。是。泥。而。吾。先。生。即。同。辨。異。世。讀。古。書。立。論。紛。然。而。吾。先。生。先。實。後。言。嗚。呼。先。生。視。古。如。反。諸。掌。視。民。如。納。諸。溝。斯。學。斯。志。曾。不。一。施。今。則。已。矣。派。矢。不。去。手。關。河。不。忘。懷。搜。求。忠。勇。義。欲。一。伸。曾。不。一。遂。今。則。息。矣。莫。大。於。曆。夜。觀。星。象。莫。神。於。易。畫。索。著。卦。考。禮。問。樂。遠。稽。古。制。曾。不。畢。究。今。則。墜。矣。間。世。之。英。拔。萃。之。議。作。於。斯。世。亦。如。此。而。止。矣。

嘉定五年壬申秋八月。張祈季悅。編先生遺文成子雲爲之。之序。其畧云。先生生於孟子沒千有七百餘年之後。當浮僞。雜揉。諸子淆亂之時。乃能獨信實理。而不奪於浮僞。精別古。書。而。不。惑。於。近。似。深。窮。力。踐。天。德。著。明。推。以。覺。人。不。加。毫。末。

故一時超隅以聽者莫不油然而悟良知良能至明至近之實
灼然知自下升高積小以大之端躍然興堯舜可爲不自棄
自暴之志回視曩之蔽於支離浮僞之說者又不啻若夷猶
於九軌之路而灼見夫在荆棘泥淖者之爲陷溺也蓋先生
長於啟迪使人蔽解疑亡明所止於片言之下有得於天而
非偶然者先生亦自以孟子既沒斯道之任在已病浮僞之
害正渝實拯焚拯溺而已隱憂撲滅障流厥功彌大故民彛
帝則之實孔子孟子之傳賴以復闡於世云云

季魯所著書及文集外有門人所錄講學語一卷吳文正公
澄爲之序云陸先生之學不在乎言語文字也故朱之語錄
累百餘卷奚啻千萬億言而陸之語錄僅僅一帙其一帙者
亦可無也蓋先生平日教人專於身心上切實用功一時精

神之感發旨意之懇到。如良工斲輪。大冶鑄金。巧妙莫可彷彿也。而可筆錄乎。朱語詳詳。而所錄多冗複。陸語峻潔。而所錄或暗劣。此語錄之病也。故曰可無也。陸門高第弟子傅季魯人。稱琴山先生。其元孫斯正。示余語錄一編。所記三十五條。其間五條已載。陸先生語錄。將欲鈐木以傳。余謂傳之不足以章世美。觀之不足以得家學。孟子曰。萬物皆備于我矣。反身而誠。樂莫大焉。由傳以邇。陸以邇。孟在此而已。安用語錄爲哉。余雖有是言。而其鈐木之意不能已。遂爲之題其篇端。

劉太博堯夫

撫州府志本傳

劉堯夫字淳與。金谿人。氣槩軒豁。文辭溫雅。從陸文達公游。

每次香靜坐曰欲與天地同其大象山笑曰天地自大但勿拂之乾道己丑補入太學四試兩優遂釋褐時號走馬上舍淳熙二年登進士第除國子正遷太博陞對極言時相之失以爲天子有私人則外廷有具位外廷有具位則公卿有他徑又口奏治天下在明辯乎邪正是非之大者上褒其學問正當退朝目送之曰監司須得如劉堯夫者劉光祖稱其詞高才清志大論壯奏事上前排斥權倖甚勇又稱其詩語新韻勝皆古人所未道通判隆興府卒於官有井齋叢集若干卷

書問事蹟

先生答劉淳叟書云承諭爲學無他疑但却不如江下感發時其他朋友亦無甚進學固不欲速欲速固學者大患然改

過。遷。善。亦。不。可。遲。回。向。來。與。諸。公。講。切。處。正。是。爲。學。之。門。進。德。之。地。誠。有。志。者。何。忍。復。塗。塞。其。門。榛。蕪。其。地。哉。平。時。所。事。於。淳。叟。者。徒。以。志。向。臺。臺。有。進。無。退。今。反。遲。回。若。此。何。耶。向。時。謬。妄。工。夫。其。勇。往。如。彼。今。云。知。過。乃。反。如。此。則。亦。悖。於。用。勇。矣。聞。一。善。言。見。一。善。行。若。決。江。河。沛。然。莫。之。能。禦。此。舜。所。以。爲。舜。學。如。不。及。猶。恐。失。之。蓋。夫。子。之。明。訓。臺。臺。以。進。非。淳。叟。之。過。也。其。過。顧。在。於。進。之。非。其。道。耳。誠。知。其。過。頓。棄。勇。改。則。臺。臺。以。進。者。乃。舜。之。莫。能。禦。夫。子。之。所。謂。如。不。及。而。又。何。病。乎。今。淳。叟。不。然。而。自。曰。知。過。吾。不。信。也。惟。即。改。之。無。待。來。年。夫。道。若。大。路。朋。友。相。聚。不。相。與。勉。勵。策。而。進。之。而。自。作。艱。難。自。作。節。目。乃。是。未。肯。頓。棄。謬。妄。之。習。爲。遷。延。苟。免。之。計。如。今。時。寇。盜。已。在。囹。圄。不。肯。分。明。伏。罪。遷。延。歲。月。僥。覲。降。赦。苟。

得脫免之後。必復爲亂矣。宜勇改之母。蹈此轍。

先生又與劉淳叟書云。淳叟之氣稟固自有異於人者。往時朋舊相親。鮮不服其粹和醇美。以爲無疵。獨淳叟之心。往往有不敢自欺者。求他人之明。如淳叟之心。不可欺。則亦鮮矣。至如晚寢早作。躬親細事。筋力日強。精神日敏。則自去冬以來。其效甚著。縱有荒怠。勉之斯復。所不足者。恐不獨在是也。麟之姪近頗精進。論事儘有根據。致如說淳叟。輒欲以一言斷之。此亦是其病處。固嘗聞之矣。然在淳叟。不可不察。宏父德器言論。皆有餘味。誠有其仁。亦焉用佞然。勉月所燭。波瀾所及。不已於學。當有充長之驗。以大禹之聖。聞在知人在安民之言。則吁而致其問。仁有所未洪。智有所未足。勇有所未至。而欲斂然自安於弑父與君。亦不從也。之列。則亦倫矣。館

學之官。非費宰比能相勉以進。無苟自安。則吾道有望。道之異端。人之異志。古書之正僞。固不易辯。然理之在天下。至不可誣也。有志於學者。亦豈得不任其責。如射者之於的。雖未能遽中。豈得而不志於是哉。聞先聖之道。闢邪說。放淫辭。於今當有任其責者。而多言是病。此公孫洪禁民挾弓弩之策也。

按淳熙乙巳。楊誠齋爲吏部郎中。時王季海爲丞相。一日問誠齋宰相以何爲先務。答以莫先於薦士。因列薦朱子等六十人。而堯夫與焉。薦語稱其嘗冠釋褐。立朝敢言云云。季海即首薦朱子。提舉浙江常平。尋以劾唐仲友七疏不已。語併侵季海。始相違戾。餘人俱不及用焉。又按當時因淳叟晚頗信禪學。因妄傳其爲僧。實無此事。府志本傳。

稱其任隆興判卒於官。未有官可以爲僧者。先生與朱子書云。淳叟事此中初傳。殊駭人聽。徐覈其實。乃知多小人傳會之辭。要之後生容氣如此。足見無學力云云。疑指此事。然其晚年學禪。則實有之。先生與君舉書言。淳叟前月初冒暑歸自臨江。病痢踰旬。竟不起。可哀。可哀。此卽年來避遠師友。倒行逆施。極可悼念。春夏之間。適有困折。某近抵城閤。見其臥病。方將俟其有瘳。大拯拔。不謂遂成長往。念之尤用傷歎。淳叟正已初向學時。自厲之意。蔚然可觀。鄉里子弟因之以感動興起者。甚衆。曾未半塗。各有異志。淳叟歸依佛乘。正已慕用才術。所託雖殊。其趣則一。此其蔽與前所謂以學自命者。又大不侔云。淳叟子孫甚盛。在金谿者。散處數族。不下千家。五百餘年。甲科不絕。所爲

井齋纂集元明之際尚流傳於世。今不復見。惟吳文正公
澄作金谿劉太博文集序。尚存草廬集中。今錄其稿於後
云。

宋太學博士劉君之詩文。僅存若干篇。皆典雅溫潤。明白敷
暢。讀之可見其爲正人胸懷。皎潔坦易。畧無塵滓。巖崎蓋其
天資超特。人物偉然。自宜居當世之第一。流年十七而登陸
子之門。二十四而入學。二十九而釋褐。四十四而遽終。予深
惜其遠之太早。不得久於親師。又惜其逝之太速。不得竟其
務學。是以所就。但如是而已。其族曾孫立大。收拾遺文。及年
譜行狀等。錄之。木故爲之題辭。以表予之所敬慕。亦以致予
之所惋惜焉耳。

朱少府梓

弟泰甫

朱桴字濟道金谿人。嘗任湖陰尉。年長於先生。與弟泰卿字亨道並師事先生。執弟子禮甚恭。先生語錄第四卷云。朱濟道說前尚勇決無遲疑。做得事後。因見先生了。臨事即疑。恐不是做事不得。今日中只嘗悔過。慙艾皆無好處。先生曰。請尊兄即今自立正坐拱手收拾精神。自作主宰。萬物皆備于我。有何欠闕。當恻隱時自然恻隱。當羞惡時自然羞惡。當克裕溫肅時自然克裕溫肅。當發強剛毅時自然發強剛毅。濟道言臨川從學之盛。亦可喜。先生曰。某豈不愛人人能自立。人人居天下之廣居。立天下之正位。立乎其大者。而小者弗能奪。然豈能保任得朝日許多人在此相處。一日新教授堂試許多人皆往。只是被勢驅得如此。若如今去了科舉。用那里舉選法。便不如此。如某却愛人試也好。不試也好。得也好。

不得也好。今如何得人盡如此。某所以憂之。過於濟道所懼。小民被官吏苦者。以彼所病者在形。某之所憂人之所病者在心。因言風俗罪人之甚。如人心不明。如何作得主宰。吾人正當障百川而東之。又云。某與濟道同事。濟道亦有不喜某處。以其見衆人說好。某說不好。衆人說不好。某解取之一日。朱濟道力贊文王。先生曰。文王不可輕贊。須是識得文王。方可稱贊。濟道云。文王聖人。誠非某所能識。先生曰。識得朱濟道便是文王。又云。濟道滯形迹。不能識人。被人瞞。濟道問智術之原。是否。曰。不是。伏羲畫卦。文王重之。孔子繫之。因天下之理。無一違者。聖人無不照燭。此智豈是術。因說舊曾與一人處事。後皆放。彼云。察見淵魚不祥。如何。曰。我這裏制於不亂。保於未危。反禍爲福。而彼爲之。若不知如何爲不祥。

先生與朱濟道書云此理在宇宙間未嘗有所隱遁天地之所以爲天地者順此理而無私焉耳人與天地並立而爲三極安得自私而不順此理哉孟子曰先立乎大者則其小者不能奪也人惟不立乎大者故爲小者所奪以叛乎此理而與天地不相似誠能立乎其大者則區區時文之習何足以汨沒尊兄乎賢郎志向極可嘉向來供課想甚富此非不足也得勉之讀古書以涵養此志幸甚

其第二書云向辱惠書諸兄諸姪傳玩贊歎不能去手比之今此書辭反如二人甚愧前日簡忽不能悉意盡誠以相推挽遂使尊兄不能勇去餘習尚此逕回然詩却甚佳詩意書辭亦不相似詩只兩句便說盡了後兩句却成剩語文理頗不相紹續今欲易後兩句兼易前二字因不能出尊兄之意

但稍次其文耳。此理於人無間。然昏明何事。異天淵。自從斷却閑牽引。俯仰周旋。只事天尊兄。平日只被閑牽引。所以不能自立。今既見得此理。便宜自立。此理即是大者。何必使他人明指大者。既見此理。此理無非。緣何未知。今是此理。非可以私智揣度傳會。若能知私智之非。私智廢滅。此理自明。若任其私智。雖高才者亦惑。若不任私智。雖無才者亦明。顏子之學。本末甚明。尊兄未湏泥此而求。但自理會。真能見得此理。後日徐徐取論語讀。渙然冰釋矣。

又書云。示教日用工夫。甚善。尊兄氣質忠厚。得於天者。加人數等。但向來累外處。多得日剝落。之以全吾天。則吾道幸甚。所謂心誠求之。雖不中不遠矣。平居不與事接時。切湏鞭策。得炯然不可昧。沒對越上帝。則遇事時。因省力矣。

鷺湖之會。朱亨道從行。嘗記朱陸二先生所論云。元晦欲人
先博覽。而後反約。先生欲先發明其本心。而後使之博覽。以
此不合。先發明之說。未可誣也。元晦見詩有不平之色。似不
能無我。

胥必先訓

胥訓字必先。先生吳夫人之第三妹。僭也。見先生所爲吳公
行狀。必先於先生爲陳僭。年齒小二十餘歲。先生爲吳公行
狀。在淳熙十一年。時先生年已四十六歲。任承奉郎。充詳定
司勅令所刪定官矣。據行狀所敘。必先是時。甫聘吳氏女子。
尚未娶也。然淳熙八年。先生訪朱子於南康。必先已從行。見
朱子所爲講義題跋。蓋從學在連州之先矣。必先嘗與楊慈
湖等侍先生遊西湖。在舟中與周元忠夾慈湖爲詩。有局外

有墓輸與我之句見慈湖遺書其餘官階事蹟無可考

先生與胥必先第一書云近得吳伯顯書云麟之姪言必先治生甚進而學植荒落豈信然耶吾坐此三運就荒吾之三運如足下之六經也近有朋友裹糧千里而至者皆勤勤不相捨每念足下去我之決何人性相反如此哉吳察丁母憂足下知之否向者嘗道先丈勉厲足下勤學之言想亦復置度外不復問矣士別三日刮目相觀吾猶以故意待足下則誠有罪然足下果能勉於此乎伯顯以親愛之情於足下不能無所惜故復為此言然在某亦可謂愚矣古人舉一隅不以三隅反則不復也者果如是乎繼自今願足下與改是其第三書云得書甚有奮拔之意良以爲慶然譬諸田疇荒穢之久雖粗加墾闢若畚耨不繼則茅立塞之矣用工深切

至到則通暢茂悅當又與今不侔願勉旃毋忽何以聚糧爲
肯來是幸

其第四書云蒲稍綠耳尚可想見驚駘傷吻弊策而不進於
行誠可厭也馬之精神骨幹得之於天不可損益今爲人而
坐使古人雖愚必明雖柔必強之言棄而不驗豈不甚可痛
哉

吳伯顯顯若弟仲詩厚若叔有誠若

吳伯顯名顯若先生妻弟也與弟仲詩名厚若叔有名誠若
者皆從學於先生伯顯最長伯少先生九歲其家世見先生
所爲吳公行狀云公諱漸字德進姓吳氏舊名興仁字茂榮
以舊字行其先自金陵徙家臨川今幾百年矣曾大父嗣宗
父萬石迪功郎致仕兄弟三人公居次少隨伯氏從學於江

公。滙。江。爲。鄉。先。生。從。遊。多。老。成。宿。學。一。時。英。異。如。李。公。浩。曾。公。季。狸。皆。在。公。以。童。幼。居。其。間。愿。殷。恭。隨。得。弟。子。禮。有。所。未。解。人。樂。告。之。年。十。有。五。喪。母。高。氏。服。除。致。仕。公。使。之。治。生。公。雅。好。文。學。重。違。致。仕。公。意。服。勤。數。歲。一。日。從。容。言。其。志。致。仕。公。大。悅。之。更。使。從。學。未。幾。會。新。教。官。至。試。補。弟。子。員。耶。之。士。大。集。公。居。第。一。自。是。每。試。輒。居。上。游。人。服。其。藝。異。時。同。輩。江。公。者。與。爲。執。友。公。每。自。挹。損。事。之。如。千。弟。紹。興。癸。酉。始。與。舉。送。人。謂。公。一。第。固。可。俯。拾。明。年。省。試。不。偶。公。不。以。罪。有。司。曰。吾。殆。業。不。精。丙。子。再。舉。壬。午。三。舉。省。試。皆。報。罷。自。是。仕。進。之。意。衰。矣。其。後。雖。屢。到。省。皆。以。其。子。姪。或。門。人。與。舉。送。願。公。表。率。親。舊。敦。勉。以。行。公。往。來。超。然。殊。不。以。得。失。介。意。或。以。牒。奏。召。留。之。公。曰。吾。來。此。聊。復。爾。耳。不。能。久。也。謝。之。竟。歸。日。率。諸。

子讀書以自娛樂。其聲洋洋。踵門者未及見。已爲之起。淳熙
十年六月朔。以疾卒。享年六十。鄉閭莫不惋惜。公性孝。事親
左右無違。見老者。雖賤必敬。慈祥愛物。力所及者。螻蟻蛙蚓
之難。亦必免之。其恭謙不競。人皆以爲不可及。至有不當其
心。引義正色。堅勇亦不可奪。家甚貧。自奉甚薄。唯祭祀賓客
則致其豐。解公在郡。庠以行藝推爲前廊。居無何。輒遄巡辭
去。乾道庚寅。許君及蘇君繼龜爲教官。尤留意學校。聞公學
行信於鄉里。造廬敦請。至於再三。不得已就之。公雅爲許所
知。許方欲盡去宿弊。事無巨細。皆以諮公。公爲區處條畫。如
指掌。許每歎曰。於是見君後日之志。設矣。事有緒。即辭去。其
後合郡之士。屢請延公入學。教官郡守各致其禮。公皆固辭。
不復去矣。鄉里先達皆期公以有用。乃竟不三試而死。悲夫。

娶黃氏子五人。顯若、厚若、誠若，皆世其業。厚嘗與丁酉舉送女四人，長歸某，次甫筭而死。次許胥訓，次未嫁。孫男女各一人，尚幼。卒之年，秋九月壬申，葬於金谿縣歸德鄉金石源祖塋之側。葬之日，送車塞塗，祖奠於道者相望不絕。行過者莫不齋咨涕洟。某在童穉時，爲公所知，後又妻以其女。知公之平生，可謂深且詳矣。如公之德，不可不表顯於後。謹數書以告當世之君子。淳熙十一年九月既望，婿承奉郎充詳定司勅令刪定官陸某狀云：伯顯，高才篤學，而淹滯不用於世，年止四十三。先生爲伯顯墓誌云：臨川吳伯顯，余妻弟也。外舅五子，伯顯爲長。孝友謹飭，見於稚齒。姻族賓朋，每所歎賞。年十五，補入郡庠。歲選常多，許深甫蘇待問爲教官時，學校最盛。伯顯居上游，所爲生財，有大道論。深甫極賞之，謂後日當

爲世用。初爲詩。後爲書。爲三禮。月試皆嘗冠其倫。然竟不爲
名人。爲稱屈家。甚貧。外舅既下世。變故仍出。遂益艱。伯顯處
以義理。凜然不移。尤人所難。外姑之喪。將及大祥。以微疾卒。
嗚呼痛哉。伯顯名顯。若世系先諱。具禮部侍郎。尤延之所爲。
外舅茂榮之碑。生於紹興戊辰閏八月丁巳。卒於紹熙庚戌
十一月乙亥。以十有二月壬寅。葬於金谿龍岡。母塋之東。娶
周氏。再娶亦其族。一女尚幼。既死。以族子爲嗣。名繼孫。生四
歲矣。前塋五日。奉議郎新權發遣荆門軍兼管內勸農營田
事陸某誌。

先生嘗稱伯顯篤學。與之書云。比得報字。喜聞日新之功。作
事業固當隨分有程準。若着實下手處。未易泛言。只如八哥
在此朝夕有師友講切。反有倦志。不能前進。然此在八哥亦

未易遽責。蓋此事論到著實處。極是苦澁。除是實有終身之大念。近到此間。却儘有堅實朋友。與之切磋。皆輒望而畏怯。不肯近前。每每尋軟弱浮泛之人。與之閑話。以爲有益。及至被人指摘。即有垂頭闊耳之狀。近日雖稍鮮蘇。終是不能奮拔。近見其資庸腐。亦但涵養之耳。俟其更健。乃堪爐錘也。此於八哥亦未足深訝。如四哥。但未曾到此間耳。遇着真實朋友。切磋之間。實有苦澁處。但是良藥苦口。利於病。須是如此。方能有益。不可不知也。

先生與仲詩書云。鄉主文所言質論。偶七哥於故書中。忽得之。其文信美。今錄去。其人似多讀曾南豐陳后山文。却是好時文秀才。觀此人之才。似亦有可用。終是氣格卑小。研最情處。却甚謹切。有可法者。若論財用。似不甚知其實。然其

大綱亦好。謾錄去。曾南豐論將一篇。以見它蹈襲分明。亦可以見曾之議論。自然與他別處。大抵天下事。須是無場屋之累。無富貴之念。而實是平居要研覈天下治亂。古今得失。底人方說得來。有筋力。五疇心志精神。儔好。但不要被場屋富貴之念。羈絆直截。將他天下事。如吾家事。相似。就實論量。却隨他地步。自有可觀。他人文字議論。但謾作公案事實。我却自出精神。與他批判。不要與他牽絆。我却會幹旋運轉。得他方始。是自己胸襟。途間。除看文字外。不妨以天下事。逐一自題評。研覈。庶幾觀它人之文。自有所發。所看之文。所討論之事。不在必用。若能曉得血脉。則爲可佳。若胸襟如此。縱不得已。用人之說。亦自與只要用人之說者不同。若看文字時。有合意。或緊要事節。不妨熟讀。讀得文字熟底。雖少。亦勝由。

莽而多者

先生與吳叔有書云。近來所學如何。嘗思初至此時。感發甚盛。但當時以信向之篤。心誠感通。如草木遇春而生。益有不自知其所以然者。有如唐虞三代之民。由而不知。然舊習深固。少緩爐錘。則所感密消。唯存虛氣。而實皆舊習矣。臨歸數日。頗知其首尾。知處雖大。與舊不同。而純誠專一。乃反不及。是以乍昏乍明。未必能久。也。往事要不必論。直使自即今奮拔。乃是即今奮拔。何復諍前日也。然既已奮拔。則其智必明。其志苟明。則前日所爲亦能自知首尾。故寫此以爲驗。爾切不可強附會吾言。信至。但款曲深思。實者有不合處。寫來力辯。乃見足下長進處。若但隨人言語轉。却是自家更無主人。何以爲學。觀至此。或已失了精彩。却須且放下此信。整冠。

肅容自振。迅精神。從實端的。自省須要清健明白。却再取此信。視之。有不合處。不可強合。須精思熟考。寫來辯之。乃善。先生因吳叔有舉蔡邕無營之說。以問先生。特爲說以贈云。人生天地間。抱五常之性。爲庶類之寂靈者。汨其靈。則有罪。全其靈。則適其分耳。誠全其靈。則爲人子。盡子道。爲人臣。盡臣道。豈曰無營乎哉。蔡邕之說是殆飢甘食。渴甘飲。未得飲食之正也。孟子勉人以求在我者。誠能求在我者。則無營之說不足道矣。

張貢士商佐

張商佐字輔之。金谿人。舉鄉貢進士。先生仲兄九敘之長婿也。學於先生。早卒。見先生所爲仲兄墓誌。及與朱子書。先生嘗答輔之書云。來書累累及已事。辭複而意切。讀之甚

喜慰苟如是誰不欲相告者。況如某之直而多言者耶。今此子壽兄入邑。此事政可面論。第恐事罷不能復留。至邑又有謁見應接之煩。雖相見有不暇及此耳。故畧寓此言之。蒙諭鐵膏肓之說。且師友切磋之言。孰不欲各中其病。顧恐學未至。識未明。不能知人之病耳。又恐言或中病而聽者不自以爲病。不能受耳。又子方求吾言。但當盡子受言之道。不當教我告子之方。使我告子而無其方。則其言不足求矣。子豈可教之。使如何而告子耶。必欲教人告己。是何異教王人雕琢玉哉。至引孔子答弟子問仁問政問孝之說。此尤非所宜言。孟子於孔子特曰願學而已。吾於孔子弟子方且師仰敬慕之不暇。如顏子曾子固不待論。平時讀書至子夏子游子張蘧伯玉南宮适諸賢言行未嘗不惕然愧畏欽服而師承之。

而子遽可。孔子望我耶。且子既能究觀聖人答弟子之言。知其無不盡處。擴而充之。聖人亦只如此。是已。已知教人之方。則吾當北面矣。尚何以錢子膏肓耶。雖然。庸詎知此言之非。錢子膏肓耶。寫至此。欲止。恐子未能深悟。試更爲詳言之。學者大病在於師心自用。師心自用。則不能克己。不能聽言。雖使幾皇唐虞以來。羣聖人之言。畢聞於耳。畢熟於口。畢記於心。祇益其私。增其病耳。爲過益大。去道愈遠。非徒無益。而又害之。來書謂備嘗險阻。辛苦而無操心危。慮患深之效。此亦非也。子之能特然自立。異於流俗。趣舍必求。是而施設不苟。人之所爲。有所不敢爲。人所不能爲。已或能爲之。人之所知。有所不敢知。人所不能知。已或能知之。凡此豈非操心危。慮患深之効歟。雖然。至於師心自用。學植不進。未必不由此也。

古之所謂曲學。誠行者。不必淫邪。放僻。顛顛。狼狽。如流俗人。不肖子者也。蓋皆放古先聖賢言行。依仁義道德之意。如楊墨鄉原之類是也。此等不遇聖賢知道者。則皆自負其有道。有德。人亦以爲有德。豈不甚可畏哉。曾子曰。尊其所聞。則高明。行其所知。則光大。尊所聞。行所知。要須本正。其本不正。而尊所行。行所知。只成得箇檐版。自沉溺於曲學。誠行正道之所詆斥。累百世而不赦。豈不甚可畏哉。若與流俗人同過。其過尚小。檐版沉溺之過。其過甚大。真所謂膏肓之病也。來書舉程明道先生靜亦定。動亦定之語。此非子之所知也。定之於動靜。非有二也。來書自謂靜而定。亦恐未能。果如是。也是處靜處動不同矣。子之意。豈不自謂靜時尚或能定。獨難於動而定耶。凡子之所謂定者。非果定也。豈有定於靜而

不能定於動耶。至又謂近雖未能不動。而於動中之定。頗庶幾焉。此正是檐版處。見子壽兄。可面扣之。若已悟得。亦不妨驗過。如意有未平。而子壽處。或冗未暇言。無惜以片紙見問。切磋之益。政有所望。非所敢憚也。

其第二書云。前者論子爲學之病。及得二十一日報帖。又知子尚未深曉。特然自立之節。較之流俗人。則爲賢者。在子之身。則爲深病。吾非不知子之踐履。尚未能不自愧。顧以爲踐履未至此節。已常在胸中。耿耿然爲拒善之藩籬。而不能以自知。况踐履既至。自無愧於心。其爲病可勝言哉。凡子之病。皆性之不純。理之不明。而外之勢。又有以增其病。而無藥之者。子之病。非獨子有之也。人皆有之。顧在流俗人。而或有之。是則可喜。非可責也。至於知學者有此病。則其觀聖賢之訓。

聽師友之言。必當陽焉愧悔。改革不如是。謂之不知學可也。子欲問大學之道。而不知此病。雖於特然自立處。一向加功。將必不能至於無所愧。縱不自知。自謂無愧。識者觀之。正是一場大擔版。吾之所望於子者。非以流俗人望子也。如以流俗人望子。則子流俗人賢者矣。勉而進之。誠流俗中大賢者矣。望之以聖賢之門。乃始爲一膏肓之病人也。此病去。自能改過還善。服聖賢之訓。得師友之益。如動亦定。靜亦定之說。亦不必苦心而自明也。見此書如未深省。但當以此書於讀書應事暇時。常常提醒。久當自知之。如疑欲辨。無惜詳列。

黃郡守裳

宋儒學案本傳

黃裳字元吉。浙江寧德人。少有奇節。應淳熙二年武舉。魁南

三邑郡守。係入多以給親舊。任子思必先其兄之子而後已子。

先生於及門之士。首稱傅子淵。而以元吉。與文範爲次。已復曰。浙中大有人在。是此三人中無浙人矣。或謂先生仲兄九敘。次塔黃叔豐。字元吉。則金谿人也。豈寧德黃。當亦字元吉。而誤合爲一耶。或云黃裳。乃福建寧德人。非浙江也。今姑從學案。而附識於此。

貴元吉別長沙陳君舉有詩送行云。荷君來意固非輕。曾未深交。意便傾。說到七篇無欠少。學從三畫已分明。每嗟自昔傷懷。致頗欲從今。近老成爲謝荆門三益友。何時尊酒話平生。先生言初聞子淵與君舉切嗟。又起君舉之疑。得黃元吉君舉方信子淵之學。嚴松曰。元吉之學。却在子淵之上。先生

曰元吉得老夫鍛煉之力。元吉從老夫十五年前數年病在
遂外中間數年換入一意見窠窟去。又數年換入一安樂窠
窟去。這一二年老夫痛加鍛煉。似覺壁立無由近傍。元吉善
學不敢發問。遂誘致諸生來授學。却教諸生致問。老夫一一
爲之問。歎元吉一旦從傍忽有所省。此元吉之善學。君舉送
元吉詩。今見止齋集。

元吉在荊州時錄先生語。名曰荊州日錄。內一條云。元吉自
謂智昧而心懶。先生曰。病固在此。本是骨凡。學問不實。與朋
友切磋不能中的。每發一論。無非泛說。內無盡妙。已外無益
於人。此皆已之不實。不知要領所在。遇一精微。便被他胡言
漢語壓倒。皆是不實。吾人可不自勉哉。
先生與黃元吉書云。道廣大。學之無窮。古人親師求友之心。

亦無有窮。已以夫子之聖。猶曰學不厭況在常人。其求師友之心。豈可不及汲也。然師友會聚不可必得。有如未得會聚。則隨已智識。隨已力。上觀書冊。就事物。豈皆蒙然懵然。畧無毫髮開明。處曾子曰。尊其所聞。則高明。行其所知。則光大。非欺人也。今元吉縱未有聞。所未聞。見所未見。處且隨前日所已聞。已知者。尊之行之。亦當隨分有日新處。莫未至全然爲實行也。學者未得親師友時。要當隨分用力。隨分考察。使與汲汲求師友之心。不相妨。言乃爲善也。此二者一有偏勝。便入私小。即是不得其正。非徒無益而害之也。

周康夫清叟

熊溫附

周清叟字康夫。金谿人。先生仲兄九敘第五子。早從學於先生。嘗錄先生語六十七條爲一卷。爲學甚力。用功亦切實。

淳熙八年春二月與同學之士熊鑑等六人從先生訪朱子於南康。見朱子所作講義跋。康夫嘗有書問居家之道。先生答之曰。處家之道。古聖人格言具在。易之家人。詩之二南。是也。今人縱能言。亦何以加也。若情勝禮。恩勝義之說。竊以爲未然。處家自有禮。自有義。禮義所在。豈可勝也。此言非但不知處家之道。亦不知禮義矣。商君說孝公以帝道王道。與今人言禮義相似。其實。是講貫得一項。必不可行之說耳。帝道王道之實。其果如是乎。要。看其實。王道則孟子告齊宣。梁惠者是矣。後來只是齊宣梁惠不能捨己私。以從孟子耳。孟子之說。安有不可行者哉。康夫資稟隱約。却不甚英特。從事於學問之日。又淺。今日之困固宜。平時固滯不通。處其在爐鑪之間。雖或有未開豁。然稟受之偏。循習之久。豈能終廓然乎。

非磨之以學問其爲害未有已也熊鑑字氏里居並無考
厥夫所錄先生語多學問切要之言如云有所忿憤則不足
以服人有所恐懼則不足以自立又云大綱提掇來細細理
會去又云學者不自著實理會只管看人口頭言語所以不
能進且如做一文字須是反覆窮究去不得又換思量皆要
窮到窮處事事分明他日或問人或聽言或觀一物自有觸
長之理又云心官不可曠職太陽當天太陰五緯猶自放光
芒不得那有魑魅魍魎又言皇極之君做時五福錫厥庶
民福如何錫得只是此理充塞宇宙又曰溺於俗見則聽正
言不入又云上達下達即是喻義喻利又云天下若無着實
師友不是各執己見便是恣情縱欲皆得爲學之要者也至
於錄先生論曆法論數學之語亦他人所未及

廉夫祭先生文畧云。天爲斯文。乃生先生。指學者之膏肓。示入聖之門庭。不繞繚而支離。誠坦然而可行。暴之以秋陽之白。濯之以江漢之清。繼孟子之絕學。舍先生其誰能云云。咸謂其推崇之至。亦得先生切要處。勝它人所造也。

路彥彬諫亭

路謙亨以淳熙八年春二月。從先生訪朱子於南康。朱子作鹿洞講義跋。謂其徒六人從行。謙亨其一也。他無可考。或云即路彥彬也。彥彬於先生爲親戚。吾郡路姓甚稀。未知是金谿人否。今附先生答書一首於後。

先生答路彥彬書云。得函。敢又辱以盛製。文盛意勤。領何以當。雖然。似有未相曉者。義不敢不宣達於左右。竊不自揆。區區之學。自謂孟子之後至。是而始一明也。平日奉奉於左右。

者豈徒以親戚之故哉。古人纓絕肘見累日不火食歌聲若
出金石或者未能深信與信之而未濟登茲則茲當挾輶推
穀以相從於康莊也。若金錢穀粟之惠遺非某之任也。聚族
之衆終歲之計未免於饑歲日索公堂米無毫髮補助然亦
有大於此者未敢任此責也得時行道固吾人分內事然與
世俗羨慕富貴者天淵不足喻也。來詩似未免俗意。非所
望非高明亦不敢直言如此。

朱幹叔克家

附益伯益叔

朱克家字幹叔從學於先生居象山精舍志氣甚銳先生嘗
有簡朱幹叔諸友詩云利名風浪日相催青眼難於世上開
何事諸君冒艱險杖藜來入白雲堆同時有朱益叔者亦學
於先生文集中有答朱益叔書云區區之學不能自己朋儕

相課亦謂月異而歲不同。每觀往年之文。其大端大旨。則久有定論。至今不易。若其支葉條目。疎漏舛錯。往往有之。必加刪削。乃可傳也。向在朋友間時。見所傳鄙文。亦有全偽者。此尤不可不知也。開歲合併。當究其說。學絕道喪。私說詖論。充塞彌滿。朋友講貫。未能符合其勢。然也。至當歸一精義。無二。至於心獨無所同。然乎此。孟子之至言。但咏歌伐木之篇。緝熙其事。終必有無間然者矣。又有朱益伯者。亦嘗從學。皆先生同縣人。包顯道錄先生語云。邑中講說。聞者莫不感發。獨朱益伯。鴛突來問。答曰。益伯過求。以利心聽。故所求在新奇元妙。

彭世昌興宗

彭興宗。金谿人。字世昌。首創應天山書院。以居。其子所謂

象山精舍也。淳熙十四年丁未歲。世昌訪舊於貴溪應天山。從張氏園登山遊覽。則陵高而谷遠。林茂而泉清。乃與諸張。設筵席以迎先生。講學其上。先生登而樂之。因山形如巨象。故名象山。世昌與周元忠等數十人。俱在山中結廬從學。先生與世昌書云。堯舜之盛。詢於蒞菟夫子之聖。以子夏爲菴子。顏淵爲非助我。孔文子之所以爲文者。在於不恥下問。人之取善。豈有定方。善之所在。雖路人之言。臧獲之智。皆當取之。世昌相信之意甚篤。而鄙意每欲世昌降意與元忠講切。元忠之學固未可謂便是。然其篤實躬行之日。又有非泛泛所能及者。其所長處。如某亦欲就而取決焉。在世昌未易全輕之也。與人商論。固不貴苟從。然亦須先虛心。乃能聽其言。若其所言與吾有未安處。亦須平心思之。思之而未安。又須。

平心定氣與之辯論。辯論之間。雖貴伸己意。不可自屈。不可附會。而亦須有惟恐我見未盡。而他須別有所長之心。乃可。世昌嘗訪朱子於建安。朱子以詩送其歸山。云衆山聞說是君開。雲木參天響瀑雷。好去山頭且堅坐。等閒莫要下山來。詩題稱丙辰正月三日。蓋是時趙忠定公已謫戍。韓侂冑攻僞學方急。故朱子勸其莫要下山。然朱子門人多畏禍。詭避而先生弟子卓然不惑。是年朱子以御史沈繼祖誣詆落職。又著僞學之籍。凡五十有九人。朱子首列。而先生門人徐誼即居其次。楊簡袁燮皆在黨籍。並毅然不爲浮說所動。世昌往訪朱子。亦不以禍患爲意者也。

吳僉判景立

吳景立金谿人。世居沙岡地方。仕至滕州僉判。師陸子友傳。

琴山虞文靖公集有爲其元孫梅隱先生名辰子字君明者
誌墓文云吳氏五世皆得與賢士大夫遊陸先生起於金
谿吳氏之族祖子孫所從遊者多陸門之人云又李仲公先
生作吳公君明行述亦邇及僉判稱其與琴山

陸子學譜卷之十一

平越王士俊校

第六

曾景建極

熙州府志本傳

曾極字景建臨川人父滂字孟博為人質直剛烈四方宗陸氏者自孟博與李德章師復終始孟博長象山五六歲象山甚愛重之景建早承家學志氣豪放聲名四起宋晦翁得其書及詩大異之書問往來甚顯之謂其文似老蘇父子雁湖李公南塘趙公相與廢酬最久嘗以詩語法訪訕得罪謫道

州解吏窘之甚。司法羅必元曰：曾公建作詩傷時閭閻，何罪？乃釋其縛，使之言。達卒於謫，所李公心傳爲上言，曾極以斥可念。上曰：非爲江湖集者耶？後有言歸墓所爲詩文有春陵小雅金陵者，咏。

按景建晚常與朱子論學。朱子答書見大全集中，然詞章之意多其篤信道學，未能如其父也。其父首崇陸學而志無特傳，故錄景建傳。

林祕書夢英

撫州府志本傳

林夢英，字叔虎，一字子應，大父自閩清徙臨川。夢英與象山平相若，篤信其學，遂師之。登淳熙二年進士第，授祁陽簿。再調衡州法曹，所至整飭精明，爲部使者及郡守所知。一日問

改官五刻俱集知武陵縣寬民戢姦興學作人士習丕變太
守延至郡庠誨諸生曰今之士涉獵以爲博組繪以爲工淪
胥陷溺本心日喪何學之云聞者感發通判靖州討平洞蠻
知武岡軍未上退居城西金石臺建樓藏書徜徉其間端明
薛公叔似辟爲宣撫司參議官在幕府總六閫月隨司罷歸
召除國子監丞遷宗正丞權工部郎又除秘書丞權司封奉
祠歸年踰八十人稱山房先生

叔虎爲武陵令大修學宮教士興學以書求先生作修學宮
記先生答其書云叔虎才美試於一縣真游刃有餘地矣顧
其志義文采鬱未盡施行且觀騰張耳學宮之壯恨不得即
一拭目記文見委義當効力第非倉卒所能成耳去冬爲陳
貴溪作重修學記設往其刻一觀向爲仲權作宜章學記莫

曾見否。近觀仲權所向。亦有可念者。淳叟身後事。亦粗辦。然極可憐。晚節與仲權正已爲莫逆友。死者已矣。生者顧未知其所終。又可憐也。壽夭貧富貴賤。皆不足多。爲學者。道古之聖賢。如閔龍逢之誅比干之剖心。顏冉之天疾。孔孟之厄窮。至今煌煌在宇宙間。庸何傷哉。某去年春尾在山間。聞伯著姪訃。以歸親舊家庭。撫棺視之。役相尋以卒歲。今猶有姪婦之喪。然更閱涉歷。此道益明。益不敢不勉。數年間。書問文記頗多。不能盡錄。今小兒錄經傳堂記。往此文頗有補於吾道。荆公祠堂刻併往。此是斷百餘年未了底。大公案聖人復起。不易吾言矣。刻中第六行內。義當與之幾力字下。脫若虛捐歲月是自棄也。九字好議論字下。羨人一字。若令人寫出增損而讀之。乃無遺恨。當時錢伯同託弱翁書。弱翁臂痛不

能書伯同逼替復送來某自書恃有前本碎紙寫去偶有此
脫羨伯同恐是意欲增損遂依後本刻至今不滿後當更書
小本敘此曲直跋其後置諸壁間也與晦翁往復書因得發
明其平生學問之病近得盡朋友之義遠則破後學之疑爲
後世之益若夫志卑識闇居斯世爲斯世之徒固不足以論
此長沙胡季隨乃五峯之幼子師事張南軒又妻其女南軒
沒後又講學於晦翁之門亦嘗至臨安相聚此人操行甚謹
志學亦甚篤但學不得其方大困而不知反去年亦有書
來此今錄所答渠書併所復陳清君舉書往先生武陵學記
發明學與教之本與原道同今附於後
義倫在人維天所命良知之端形於愛敬擴而充之聖哲之
所以爲聖哲也先知者知此而已先覺者覺此而已氣有所

衆物有所蔽。勢有所遷。習有所移。往而不返。迷而不解。於是爲愚。爲不肖。爲彞倫。於是而歎天命。於是而悼此君師之所以作政事。之所以立。是故先王之時。風教之流行。典行之昭著。無非所以寵綏四方。左右斯民。使之若有常性。克安其道者。也是故鄉舉里選。月書季改。三年而大比。以興賢能。蓋所以陶成髦俊。將與共斯政。共斯事也。學校庠序之間。所以切磋講明者。何以捨是而他求哉。所謂格物致知者。格此物致此知也。故能明明德於天下。易之窮理窮此理也。故能盡性至命。孟子之盡心盡此心也。故能知性知天。學者誠知所先後。則如木有根。如水有源。增加馴積。月異而歲不同。誰得而禦之。若迷其端緒。易物之本末。謬事之終始。雜施而不遜。是謂異端。是謂邪說。非以致明。祇以累明。非以去蔽。祇以爲蔽。後

世之士有志於古。不肯甘心流俗。然而苦心勞身。窮年卒歲。不爲之日休。而爲之日拙者。非學之罪也。學絕道喪。不遇先覺。迷其端緒。操末爲本。其所從事者。非古人之學也。古人之學。其時習必悅。其朋來必樂。其理易知。其事易從。不惑於異說。不牽於私欲。造次於是。顛沛於是。則其久大。可必。孟子曰。源泉混混。不舍晝夜。盈科而後進。放乎四海。此古人之學也。武陵舊無縣學。縣傍有勝地。地有故築基。蓋往時有欲遷府學於是不遷者。今縣宰林君夢英。出故基於蕪穢之中。而創學焉。士民之有力者。皆爭出財以相其役。林君不待官府之威。凡學之百役。無異民家之爲者。旣成。規模宏麗。氣象雄偉。遂爲武陵壯觀。先是倉臺薛公伯宣。助成講堂。今憲臺丁公逢。倉臺趙公不迂。郡侯蔣公行簡。皆助錢買田以養士林。

君之創茲學而上下翕然助成其美如此則林君之政可知矣。余於是敬誦所聞以記之。紹興二年歲次辛亥六月上浣象山陸某記。

鄧節推約禮

撫州府志本傳

鄧約禮字文範。本盱江人。端慤純正。橘園李侍郎浩以子姪之選家臨川。從象山先生學。登淳熙五年進士第。嘗爲江州德化丞。兩攝邑。葺理凋弊。得民心。爲溫州教授。與葉水心定交。再調常德府節推。卒於官。公生平學問。根本於家庭。孝弟慈愛之風。達于鄉黨。嘗與人曰。某得一官。但能少濟諸貧困兄弟耳。號直齋。以次子泳貴。累贈中大夫。泳嘉定十三年進士。仕至刑部侍郎。江淮制置副使。

淳熙中湯思謙提舉江西常平倉嘗聽先生講論欣然有志
爲學文範爲其屬先生與文範書云昨晚得倉臺書謂別後
稍棄舊而圖新然未有所得殆欲覓心了不可得者此乃欲
有所得之心耶初信欲歸此意甚佳但能不忘此意更使深
厚則雖不歸猶歸也古人學如不及尊德樂道親師求友之
心不啻飢渴虛也哉是必務實之士真知不足者然後能
如此也此與自任私智好勝爭強竊近似以爲外飾者天淵
不侔燕越異鄉察之不可不精辨之不可不明於此不精明
便是不識路頭終汨沒於形似而無所至止綿蠻黃鳥止於
邱隅於止知其所止可以人而不如鳥乎知止而後有定定
而後能靜靜而後能安安而後能慮慮而後能得學不知止
而謂其能慮能得吾不信也人不幽知其爲私意私說而反

致疑於知學之士者亦其勢然也。人誠知止。即有定論。靜安慮得。乃必然之勢。非可強助之也。此集義所生。與最微而取之者之所由。辟由仁義行。與行仁義者之所由。分而曾子子夏之勇。孟子告子之不動心。所以背而馳者也。書曰。欽厥止。不知所止。豈能欽厥止哉。又曰。安汝止。不欽厥止。豈能安汝止哉。汝初信問讀易之法。誠知所止。則其於往訓如歸。吾家而入吾門矣。聞秋試一中。亦爲之喜。試中試不中。有校定無校定。本不足深計。所以喜者得失之心。未去未釋然耳。此心猶未釋然。則所謂素舊者。特素其末。未素其本也。宜其謂之稍素。此乃害心之本。非本心也。是所以蔽其本心者也。愚不肖者之蔽。在於物欲。賢者智者之蔽。在於意見。高下汗深。雖不同。其爲蔽理溺心。而不得其正則一也。然蔽溺在汗下者。

往往易解而患其安焉而不求解自暴自棄者是也。蔽溺在高潔者大抵自是而難解。諸子百家是也。今倉臺雖未免有高潔之蔽然不自是常不難解矣。復書已啓其端幸即求見而究其說。萬一尚且遲回春晚當爲一行也。

其第二書云道老之久異端邪說充塞天下自非上知誰能不惑人之難得亦其理然也。鳥獸不可與同羣吾非斯人之徒與而誰與。當其扞格支離只得精求方畧庶幾或悟耳。

文範在德化甚有善政。先生與劉潛書云鄧文範爲丞德化政聲甚美嘗攝兩邑皆整其弊壞民之戴之不愧於史冊所書文範丞德化時張元善體仁爲漕使先生與張元善書云九江德化丞鄧約禮字文範階爲文林今冬當代其家世建昌乃臨川李侍郎德遠之壻其居舊遭回祿未赴德化時寓

居李氏。今其妻兄官滿歸臨川。鄧丞欲及未代前一歸建昌營居舍。願丐使臺一檄。若蒙垂允。但付此間。旦晚即附往也。亦嘗託象先轉澆諒。必無阻此公鄉里之秀。端慙純正。甚有宦業。比年撫兩邑當事之難。拯其弊壞。更使爲佳地。民之戴之。不忍其去。無媿史冊所書。異時可備簞籠中物。韓昌黎守戒以在。得人。卒章要哉言乎。

晁道州百談

撫州志本傳

晁百談字元默。大中大夫誅之曾孫。家臨川。師栗山先生。明理學尤深。於春秋登淳熙二年進士。授吉州教授。與周益公爲文字交。主管官告院時。權臣開邊。百談輪對言。內修不可忽。大舉不可輕。當進用正士以強本朝。句外知南康軍。陞辭。

又。以。除。戎。器。飾。邊。備。爲。言。至。郡。適。早。蝗。後。首。罷。科。率。之。令。發。
粟。寬。征。民。無。流。徙。會。公。前。杖。屨。遊。廬。阜。所。至。賦。詩。集。爲。歸。田。
雜。著。再。起。知。道。州。語。人。曰。吾。嘗。慕。元。結。爲。春。復。當。使。萬。物。吐。
氣。但。老。矣。恐。不。得。踐。斯。言。也。入。仕。四。十。年。家。無。餘。財。有。帶。川。
集。二。十。卷。

按元默與山堂先生。撰之。尤篤山堂之卒。元默爲作行狀。見陸放翁所作山堂先生墓。

徐澹州子石

撫州府志本傳

徐子石字勁仲。臨川人。性簡易。力學。嘗聽象山講集義。義襲之說。忽有省發。與清獻公范西堂應鈴爲文字交。登慶元五年進士第。主閩縣簿。再調鄂州錄事參軍。講究邊防。若外治。

中三篇滿秩上之授西外學教授光緒二十九年魁南省改秩知溧陽縣通判光州薦統制萬文勝可用以智射捐俸以示激勸逆全寇匪欲窺浮光子石與郡守備賊不敢犯知賀州陞辭極言制治保邦及邊防之要上肯改除幹辦諸司審計司外得澧州而卒年六十五子石生長貧困中視貨利若將浼焉所居室壁間無非前輩訓誡之辭所著有西銘章句雜著藏於家弟元德字靜甫以文學稱寶慶二年進士爲浮梁令號齋菴問學於兄亦能守約云葉冰心適嘗薦士三十四人于執政陸子與楊袁舒沈諸弟子皆與中有徐元德疑即靜甫也

俞撫幹廷椿

撫州府志本傳

俞廷椿字壽翁臨川人。乾道八年進士。授泉州南安簿。再調懷安。兩易古田令。秩終。選充奉使。全國禮物官。還。特旨差江西安撫司幹會。大冶縣奸民盜鑄。因緣生變。帥及憲漕奏爲節制軍馬庭椿廣布耳目。以所獲盜爲鄉導。凡十八日平之。復富民監。再除新淦令。庭椿個儻有大志。而廉介自將。自北地還。因紀次其道路所經山川人物。與夫言論事物之可備採用者。爲北轅錄。錢象祖爲之序。又考周禮以司空散在五官。先儒汨陳之若。復古篇行於世。

按壽翁師事先生。兼問學於朱子。象山集中止有答饒壽翁書。未知饒字卽俞字之訛否。惟朱子有答俞壽翁書。言太極之書度所見不同。論未易合。故久不報。又思理之所在。終不可以不辨。近方以書復之。其說甚詳。未知彼復以爲何如也。

極不訓中此義甚的。然自先儒失之久矣。未必今人之失云。
云蓋壽翁欺師二先生而所見有不合者。故以書來問。而朱
子答之如此。又云來喻有志。未免有見未徹。此見賢者自知
之明。見子靜曾扣之否。蓋又欲知其所得於先生者相合否
也。與饒壽翁書四首附於此後。

先生與饒壽翁書云。是心有不得其正。想不知耳。知之斯正
矣。爲人由己。而由人乎哉。物有本末。事有終始。知所先後。則
近道矣。是心誠得其正。斯知之矣。存乎人者。莫良於眸子。眸
子不能掩其惡。胸中正則眸子瞭焉。胸中不正則眸子眊焉。
所謂不正者。不必有邪僻之念。凡有係累蒙蔽。使吾不能自
昭自達者。皆不得其正也。比來諸姪見壽翁狀貌。深歎其塵
俗昏弱。是乃心有不得其正之明驗也。宜深省痛觀。無違回。

以自取湮沒。

其第二書云。一種恣情縱欲之人。血氣盛強。精力瞻敏。淫朋醜徒。狎比成勢。其逞志快意之時。目睛有光。筋力越勁。步趨舉動。莫不便利。此時視之。豈有眊然之驗。及其見君子。聞正言。見正事。無淫朋之助。而孤立於正人之中。神氣奪情。有所格勢。有所禁則。眊然之說。時或有證。若夫徒言之人。不能自明。自達。有所抑壓。有所蒙蔽。有所滯礙。至於顛蹶而不能自起。昏弱而不能自奮。沉溺而不能自拔。困憊而不能自持。疑惑而不能自解。此時乃眊然之明驗也。此心之精明。湮沒沉淪。一至於此。豈不甚可憐哉。又曰。行不失其居。居不違其道。是故經綸酬酢。變通不窮。無須臾或離其位也。此吾新得試之。

第三書云。壽翁日對雲山坐。據書史造物者時。鋪張瓊瑤以映照。宜其胸襟明快。氣宇軒豁。翰墨餘事。嶽聳川增。中昨於兒姪處。竊覽詩什。簡尺鄙習。塵言時刺人眼。殊未厭所望。豈離羣索居。網弛棟撓。市井羣兒之態。復得爲祟於吾象山之顛耶。幸深省痛癢。毋貽雲臺羞也。

其第四書云。德固壽翁二友居山想至樂也。壽翁氣質自佳。而比來學力未知其進。此理未能昭徹。外累圍繞。殊無摧鋒陷陣之功。而有蓄縮巽懦之態。昏昏默默。爲苟免之計。此亦安敢自免哉。但其智不明。不能自免耳。德固頗聞是非明白。幸爲我斷之。

嚴主簿滋

撫州府志本傳

嚴滋字泰伯臨川人端重明敏從象山學象山曰始吾聞泰伯賢今觀氣象聽談論可與適道舉進士不第郡博士禮爲學正新學舍核學計知無不爲素與周丞相必大善州學之新自作書屬丞相記之事見學記嘗若十論扣門言事晚主郴陽簿調某縣丞卒有寄松窓榮守軒草錄東征雜著藏於家

書問事蹟

先生論嚴泰伯云只是一箇好勝見一好事做近前便做得亦不是事好心却不好

先生與嚴泰伯書云學之不講久矣吾人相與扶持於熱鬧之餘何敢以戲論叅之古人謂戒謹乎其所不睹恐懼乎其所不聞十目所視十手所指庸敢有戲論乎勉思而謹之是

願是望

其第三書云。宋無海來得書。知彼時消息甚慰。答君王書極佳。足見新功。度今又當日進文範。必教得往還。此公明白可喜。未易得也。今歲科舉相從者既多。恐難離城。某初有入城之意。今亦以山上朋友之多。不欲久曠。遂止其行。未得相見。于萬爲此道勉旃。

其第三書云。道理無奇特。乃人所固有。天下所共由。豈難知哉。但習俗繆見。不能痛省。勇改則爲隔礙耳。古人所謂一慚之不忍。忍終身。慚乎此。乃實事。非戲論也。又云。古人不求名聲。不較勝負。不恃才智。不矜功能。通身純是道義。又云。平日議論。平日行業。皆同兒戲。不足復置胸臆。天降之衷。在我人矣。特達自立。誰得而禦之。勉自奮拔。不必他求。來早得暇見。

過以觀新功。

先生以紹熙二年壬子歲卒。久未賜諡。嘉定八年乙亥歲。嚴
滋等列狀請於本州云。故荆門知軍監丞陸公。以身任道。爲
世儒宗。一時名流踵門問道。常不下百千輩。今其遺文流布
海內。人無智愚。珍藏而傳誦之。蓋其爲學者。大公以減私。昭
信以息僞。揭諸當世曰。學問之要。得其本心而已。學者與聞
師訓。向者視聖賢若千萬里之隔。今乃知與我同本。培之溉
之。皆足以敷榮茂遂。如指迷途如藥久病。先生之功宏矣。縣
庠郡學所至立祠。雖足以致門人弟子之私敬。而諡號未加。
識者歎焉。本州備錄申聞。乞指揮施行。明年下所司議。諡十
年丁丑歲。奉旨賜諡文安。蓋始於滋所請云。

游知丞元

撫州府志本傳

游元字淳夫直秘閣經之曾孫爲人外和易而中介特讀書必玩味欲知古人用心處尤深於易一日讀坎卦有契幾忘寢食服膺象山之學論議平實爲文健贍舉進士晚思授安化薄就攝邑事以理學訓導邑士議減臬司餼課以利民邑鄰溪洞凡訟開風化必懇惻開諭皆愧服再調贛縣丞會長子鑒上南嶽祠往就養卒

嚴松年松

嚴松字松年臨川人師事梭山先生又事先生於象山錄先生語爲一卷言一日先生與學者說及智聖始終條理一章忽問松云智聖是如何松曰如此之謂智盡此之謂聖先生曰智聖有優劣否松曰無優劣先生曰好然孟子云其至爾

力也。其中非力如此說。似歸重於智。松曰。其至爾力也。其中非爾力也。巧也。行文自當如此。孟子不成道其至爾力也。其中爾巧也。先生曰。是松又口智聖。雖無優劣。却有先後。畢竟

孰知在先。力行在後。故曰。始終先生曰。是松問先生。今之學者爲誰。先生屈指數之。以傅子淵居其首。鄧文範居次。傅季魯。黃元吉。又次之。且云。折間然有人有得之深者。有得之淺者。有一見而得之者。有久而後得之者。廢中陳去華省發偉特。惜乎此人亡矣。

先生嘗言重華論莊子不及老子者三。孟子不及孔子者三。其一不合以人比禽獸。松對曰。孟子言人之所以異於禽獸者幾希。惟恐其入於禽獸也。是禽獸也。爲其無君父也。則其違禽獸不遠。爲其夜氣不足以存也。晦翁但在氣象上理會。

此其所以錯鉢聖人之言。往往皆不可得而同也。先生曰。使堯舜禹湯文武周公孔子七八聖人。合堂同席而居。其氣象豈能盡同我這裏也。說氣象。但不是就外面說。陰陽一大氣。乾坤一大象。因說孟子之言。如孟施舍之守氣。不如曾子之守約。此兩句却贅了。

鄒奉議斌

撫州府志本傳

鄒斌字雋父。臨川人。博記敏識。初授學於李德章。又得鄧若作名世春秋學。一日見象山。問平日何學。以求放心。對一語契合。嘉定四年。省試同經士。多未省鄆。謹龜陰田所由失。斌曰。陽虎居鄆。入於謹。以叛。適以之奔齊。經不書諱之也。衆皆服。是年擢內科成進士。授德安府司戶。黃勉齋守漢陽書來。

扣所學答曰人能識得孟子第一義然後可以死見象山而
不辱其門制使趙公委經理三關形勝構置有方初開禧丙
寅虜犯應城進士陸桂迎降之邑免於屠宣司補官事覺獄
以春秋誅心之法定其罪至決魚湖訟平反漢陽獄皆富人
心趙公以勁氣正論薦留幕府辭曰制置性剛某亦性剛恐
不能容漕使吳公彞勝又檄入幕命二子淵潛師之南塘趙
公汝談時爲庾使尤莫逆永來陽武岡有冤獄辭連州縣官
臺部符憲司委斌勘鞠咸服其事人稱神明暇日以所聞象
山言論賦三十絕句章爲註釋秩滿歸無意仕進家齊袁公
甫作象山書院來聘斌掌教以老病辭端平更化南塘趙公
露薦有旨臺審不赴堂除岳祠以奉議郎致仕所居扁曰南
堂叢書萬卷文氣至老不衰生平任真坦率卒年八十四有

南華

驚湖之會。俊父從先生行。嘗錄先生語云。朱呂二公話及九卦之序。先生因疊疊言之。大畧謂復是本心復處。如何列在第三卦。而先之以履與謙。蓋履之爲卦。上天下澤。人生斯世。須先辨得俯仰乎天地。而有此一身。以達於所履。其所履有得有失。又繫於謙與不謙之分。謙則精神渾收。聚於內。不謙則精神渾流。散於外。惟能辨得吾一身。所以在天地間舉措動作之由。而欲藏其精神。使之在內而不在外。則此心斯可得而復矣。次之以常固。又次之以損益。又次之以困。蓋本心既復。謹始克終。曾不少廢。以得其常。而至於堅固。私欲日以消磨。而爲損天理。日以澄瑩。而爲益。雖涉危蹈險。所適多至於困。而此心卓然不動。然後於道有得。左右逢其原。如鑿井。

取泉處處皆足。蓋至於此則順理而行無纖毫透漏。如異風之散無往不入。雖密房與室有一縫一罅即能入之矣。二公大加歎服。

黃勉齋令臨川。俊甫嘗與論學。比勉齋改令新淦。寄書箴其不足。勉齋復書云。幹壬申之夏。偶獲邂逅。甚慰夙昔鄉仰之懷。第以行役匆匆。不及款語。而別每思賢德。再見亡從。徒切悃仰。忽辱台翰。縷縷尤紉眷予之意。所謂截斷衆流一句。乃是吾人立身第一義。此處拖泥帶水。則其他千言萬語皆是空談。但世之不墮在此坑阱中者。能幾人哉。吾輩但有自勉而已。幹老矣。無以糊其口。尚此竊祿荒陋之邦。無可與語。安得瞻望誨色。慰此拳拳耶。便中更幸數賜教藥。世道益衰。人物可歎。區區鄙懷。更望益勉所學。益勵所守。外此亦未有可

言者云云觀此則勉齋之傾服于僉甫亦至矣蓋不惟朱陸二先生晚年所見相同其高第弟子則亦無有不同也

孟運判渙

撫州府志本傳

孟渙字濟父其先太子中舍名日新者居澶淵後人徙臨川渙資高曠幼師臨汀楊方長師象山先生又得文法於莆陽劉夙兄弟以恩補官再中淳熙二年進士授徽州教授淮西總所幹官知華容縣通判瑞州知荊門軍奏罷馬梁歷新店三稅務制二稅浮征蠲無名茶租人皆德之再知饒州除倉部員外郎不赴除廣東提舉運運判條奏利民五事皆見施行官未滿乞納祿奉祠卒渙素孝友執喪三年雖有疾不飲酒食肉田廬遜諸弟外舅芮尚書家無嗣族人分其貲留以

行漁溪曰此芮氏物他族奚與居官未嘗飾厨傳以公清方正見稱

饒長者延年

撫州府志本傳

饒延年字伯永號止翁崇仁彭原人家臨川遂爲臨川人壯岸圓儻遊復齋象山之門象山稱其開豁有力量以經學著稱併旁究天文地理醫卜方書真西山何月湖皆歎服之篤信自守隱居不仕輕財好義值歲歉殺價翔涉延年以錢米和糴指天自誓殺置定於此矣捧斗槩量以米中錢數爲準時斗米百錢而公所得纔六十五遂爲定價鄉人德之郡守傅公欲薦於朝固辭紹定三年值寇亂一葦趨金陵甫兩月得微疾屏藥靜怡一夕明燭焚香端坐而逝年八十有一訃

至郡守爲位於天寧寺祭之其秋寇靖子孫扶柩歸葬魏了翁題其石曰有宋長者饒止翁墓孫應子應龍俱登進士各有傳

吳進士元子

吳元子字子嗣臨川人登慶元二年丙辰科進士父炳若淳熙十一年甲辰科進士也子嗣科名世家少年高自位置因居客欲復古禮以書問禮於先生往復再三先生責其所居近在百里之內不亟求見長者而徒數以書來子嗣遂至象山築室受業焉或疑第六書有仙郡云云恐非撫州然云近在百里之內必非外郡當時建昌分郡未久士大夫遷徙無定如李侍郎浩鄧節推約禮並以南城人入籍臨川然則郡固未可憑也

書問

先生答吳子嗣書云。喪禮與其哀不足而禮有餘也。不若禮不足而哀有餘也。此聖人之格言。非天子不議禮。禮亦未可輕議。欲去其不經鄙俗之甚者。而畧於近古。別有先文正公書儀在。何必他求。

其第二書云。不以前所覆書爲罪。又下問之。不肯苟徇流俗。孜孜禮法。以求依據。吾子之志善矣。然事有輕重本末。當知所先後。禮文隨闕。其來久矣。滕文公所問。孟子所答。皆其大端。儀節之末。去其鄙俗不經者可也。來書謂定之僕手。此尤未宜。吾子在衰經之中。不得已次序以授執事者可也。安可謂之定。栢人者。乃巫覡所爲。不經甚矣。吾家未嘗用也。祝嘏卜筮。虞子與夫異辭。觀二張之通。可以類見。喪祭當論。禮主

不可言同也。儀中除此三節諸皆無害。

其第三書云。往歲衆致書見問。以春禮如生年少。能不徇流俗。求古制。又其文用字造語皆慕奇異。不肯碌碌。以爲窮鄉下邑。乃有後生能如此。亦不易得。故生之書辭不合律度者。雖多。皆不服責。獨答所以問之要務。誘掖之。庶幾其進。既而聞生詭異其服。爲巫覡事。深用駭怛。亦頗悔初不知生而遽對答。有失言之罪。茲奉書。乃有悔過自訟之辭。人誰無過。過而不改。是爲過矣。過而能改。善莫大焉。今生誠能幡然自新。何幸如之。雖然。生家相距百里而近。乃有不亟於求見長者。而徒數以書來。則改過之言。亦未敢深信。然吾今猶云云者。此者望於生耳矣。生其謹思之。

其第四書云。文字之文。餘理粲然。弗畔於道。尤以爲慶。第當

勉。致。其。實。毋。倚。於。文。辭。不。言。而。信。存。乎。德。行。有。德。者。必。有。言。
誠。有。其。實。必。有。其。文。實。者。本。也。文。者。末。也。今。人。之。習。所。重。者。
在。末。豈。惟。喪。本。終。將。併。其。末。而。失。之。矣。陳。敬。投。舊。亦。曾。畧。相。
從。惟。其。無。本。故。其。學。日。詘。書。未。所。糾。三。條。屬。意。精。切。但。前。所。
取。數。語。亦。皆。非。是。學。無。端。緒。雖。依。故。聖。賢。而。爲。言。要。其。旨。歸。
實。已。悖。戾。龐。雜。庸。淺。何。足。爲。據。若。所。謂。致。其。學。聞。不。泯。泯。碌。
碌。者。尤。不。可。不。辯。人。有。實。德。則。知。疾。沒。世。而。不。行。者。非。疾。
無。名。疾。無。德。令。聞。廣。譽。施。於。身。者。實。德。之。發。固。如。是。也。庶。幾。
風。夜。以。永。終。譽。者。欲。其。德。之。常。久。而。不。已。也。彼。未。嘗。深。致。自。
克。之。功。私。意。自。爲。主。宰。方。惜。于。知。德。則。斯。言。殆。適。以。附。益。其。
好。名。求。勝。之。習。耳。此。尤。不。可。不。辯。

其第五書云前書致其聞譽之說乃後世學者大病不能深

知此病力改敎習則古人實學未易言也。吾友更當深於此處觀省。使舉動云爲判然與曩者異轍。則吾道有望矣。然當時亦欲相勉。未須與陳教授往復。後偶忘之。至今不滯。近始自象山諸事冗擾。文字亦不曾將歸。旦晚亦須便登山。倘能一來。諸當面盡。

其第六書云。錄示仙都首篇。筆間大旨。竊所未論。新君即位。曾未期月。而獲云貴成無效。何課效之速如此哉。以夫子之聖。不過曰三年有成。唐虞之朝。雖三載考績。必三考而後黜陟。幽明羽山之福。蓋在九載之後。伯禹作司空。猶八年於外。兗州之賦。作十有三載。乃同古今。難易縱有不同。亦安有於半年之間。而遽責其成。效之理哉。又古所謂貴成者。謂人君委任之道。當專一不疑。成而後其臣得以展布四體。以任君

之事。悉其心力。盡其才智。而無不以之怨人。主高拱於上。不
參以己意。不間以小人。不維制之以區區之繩約。使其臣無
挈肘之患。然後可以責其成功。故既已任之。則不計察其所
爲。但責其成耳。此古人用責成二字之本旨也。今泛課功。效
而用此二字。則用字亦未愜當。且古所賞罰者。亦非爲欲人
趨事赴功而設也。天命有德。五服五章。哉。天討有罪。五刑五
用。哉。其實罰皆天理。所以納斯民於大中。躋斯世於大和者
也。此與後世功利之習。燕越異鄉矣。何時登山。當究其說明
日。欲登雲臺。瞰鬼谷。究南山之所自來。却扁舟浮梅潭。松蘿
口以歸。度旬日而後可反山房也。

其第七書云。承已登山結茅。深用嘉歎。近得周元忠書。謂韓
伯伯珍諸人。有意遣與夫相迎。且問期日。吾答以霽日麗景。

晴雲約文。即吾就道時也。是日正春分。明日即大開徵與夫。至今未來。豈俟后土之乾。又窘陰雨故耶。昨日風光頗還舊觀。乃今祁雲漫天。寒颺先雨。又復淒然似秋矣。遐想雲臺領袖諸峰。儲英育秀。以相料理。老子於此興復不淺。行止久遠。在天與人而已。若此雨未止。能冒之一來。尤見嗜學。其第八書云。此理充塞宇宙。天地鬼神且不能違異。況於人乎。誠知此理當無彼己之私。善之在人猶在己也。故人之有善。若已有之。人之彥聖。其心好之。不啻若自其口出。胥訓告胥保惠。胥教誨。此人之情也。理之所當然也。亦何嫌何疑。誠者非自成己而已也。所以成物也。成己仁也。成物智也。性之德也。合內外之道也。顧恐未能成己耳。若私淑二字。則出於孟子。當深明其旨。不當輕用於此。此用字之疵。不足以達理。

而能爲理之累。五代史改須點對來本極佳。草廬在二池之間。欲名以濯纓。須來此當爲書之。

章從軒節夫

撫州府志

章節夫字仲制。一作仲至。臨川人。少穎悟。從象山先生默然。絕尺象山語之曰。硬豎脊梁。要做到了。節夫佩服師訓。博通諸經。深造自得。嘗取象山晦翁辭異旨同處。集而疏之。名曰修和管見。晚年所守益固。從學者衆。卒年七十九。自號從軒。著書數萬言。子子先登。嘉定九年進士第。仕止吉水令。先生居象山講學。仲制在山中。嘗云。先生講論終日不倦。夜亦不同。若法令者之爲也。勛是三鼓學者。連日應酬勞而早起。精神愈覺炯然。問曰。先生何以能然。先生曰。家有壬癸神。

能供千斛水

按壬癸二語陳建妄謂出於佛書余嘗盡閱全藏經律論並無此語竊意壬癸水神蓋謂精神如水有本則不竭耳
張文學

撫州府志

張孝直字英甫臨川人性孝友恬於利欲受學衆山之門所見者確所據者實有易詩書語孟中庸口義五十餘篇心所未安雖伊洛諸儒議論亦不苟同領袖郡學誘掖後進士論翕然歸重與章從軒蔡介軒講論終日忘倦多所發明卒年七十七所著又有要言渾象原意雜詩等藏於家

董心齋德修

撫州府志

黃德修字仲修樂安人三赴漕試不第隱居力學曰吾旅自
顯庸矣何必仕嘗游象山之門終日靜坐潛心理應從之遊
者多德成名立咸尊之曰心齋先生

李監院肅父浩子復

蘇州府志本傳

李肅字仲欽其先世自南城徙臨川父浩字德遠登紹興十
三年乙科授饒州司戶進光祿寺丞輪對陳無逸之戒又言
宿衛大將楊存中恩寵太盛秦檜死高宗親政朝士猶務絀
然浩與王十朋馮方查籓胡憲相繼直言太學之士作五賢
詩以美之自是不能安其身請祠歸孝宗即位召爲太常丞
張浚督師江淮爲宰相所沮浩援仁宗用范韓章得象故事
乞論朝廷協濟除吏部郎兼恭王府直講浙東水災留不言

浩語及近密宰執臺諫百執事無所避巧外知台州。謀
爲亂露刃堂下。浩指揮部分一語而定。除直秘閣。未幾復召
爲郎。初台州有豪民鄭憲。藉權人爲奸利。繫獄而死。籍其家。
至是權貴人教之訟冤。劉珙奏李浩疾惡太過。爲豪民所誣。
章留中。上親批其後曰。所斷允當。遷司農少卿。嘗劾大理寺
所讞賤糴事爲欺罔。後大理寺讞他獄。上曰。棘寺宜得剛正。
如李浩者。爲之除大理卿。爲接伴使。朝廷議遣泛使。浩言其
不可。力求去。以直寶謨閣知靜江府兼廣西經畧安撫。時有
論擇帥者。上曰。如廣西朕已得李浩。朝廷令市象於交趾。浩
力爭而罷。召還入對。論士大夫風俗。其八曰。陛下責實效而
譏諷得以自售。上問其人。以實對。翌日謂宰相曰。李浩直諫。
擢權吏部侍郎。政府不悅。嗾言者論之。旋予祠。明年除秘閣。

部以疾卒年六十一。諸司奏浩盡瘁其職以死。特贈集英殿修撰。浩天資質直。涵養渾厚。不以利害動其心。少力學爲文辭。及壯益沉潛義理。與陸氏兄弟講學。象山每以古人稱之立朝。慨然以時事爲己任。忠憤激烈。言切時弊。以此見忌。不至大用。平居未嘗假人以辭色。不知者以爲傲。或譖於上。上謂斯人無他在朕前亦如此。非爲傲者。小人憚之。誘以利祿。正色不回。謀害之者無所不至。獨賴上察其衷。始終全之。爲邪尤潔已。自海右歸。不載南海一物。其風裁素高。人不敢干以私。其慈也。南軒張敬夫以古遺直銘其墓。齋幼嗜學。嘗讀史至晏子御者氣揚揚曰。以富貴驕人。雖妻子亦笑之。公嘉其識。試鎖廳省別頭。皆第一。淳熙八年進士第。授潭州司戶。攝理掾獄。輒平反。再調江西運司。帳司秩滿例。

有送還錢却不受當路因舉廉吏肅笑曰此足爲廉耶
恩院中門兩易衡州教授士多嚮慕齋舍無所容則開武侯祠以居之其所講明恪守陸子之教以辨義利爲先卒年六十二諸子復字信仲嘉定元年隨其父學於先生其家在府城而追隨諸益尤爲親切

先生嘗與信仲書云兩遣府中書皆不及拜丈丈書但託邵機宜趙通判道意至今歆然前者蒙丈丈教以病中所得聽之灑然今茲書中不及寓區區之意有一說煩吾友侍下達之大概爲學不必追尋舊見此心此理昭然宇宙之間誠得其端緒所謂一日克己復禮天下歸仁焉又非曠昔意見所可比擬此真吾所固有非有外鑠正不必以舊見爲固有也千萬以此紙票之所與邵機宜書本末備矣幸復熟之

按德遠侍郎爲先生前輩與先生諸兄交好而尤敬服先生故命子若孫俱來從學此書中所云大大似指侍郎言然稱爲吾友侍下又敬以此心此理云云自是指其父仲欽非謂侍郎信仲父子從學由於侍郎故併錄侍郎傳也宋史李浩傳尤詳以不及敘文陸氏事故用府志傳參以陸子書焉又按葉水心作鄭景元墓誌云女嫁蔡幼學李復鄭公宿學爲陳止齋師而信仲爲之婿縣文懿名臣而信仲爲其僚壻則信仲所造非尋常者矣

世宗端廟

撫州府志本傳

趙靖願字泰正其祖錫籍直下家臨川幼孤貧處之裕如聞陸伯微得象山家學因相與講貫參以伊洛諸書反求諸

行。顧其言無虛矯。無屋。異嘉定七年。登進士。授懷安簿。歷
事簿。以廉謹稱。嘗入江西帥幕。議不合。浩然肥遯。端平初。召
赴都堂。審察力辭。家居優游。扁所居曰常菴。與鄒南堂游。新
堂。章後軒往來切磋。曰公性行不同。而趨向則一。蓋南堂之
學。博新堂之行。統從軒之辭辨。常菴之前粹。皆一鄉之望也。